


Vuk'uzenzele

Uyetsulelwa Lumphiko Lwahulumende Lwetekuchumana Netekwatisa (i-GCIS)

English/Siswati

Indlovulenkulu 2023 Lushicilelo 1

Mengameli umemetela Simo Senhlekelele



Mengameli Cyril Ramaphosa ngesikhatsi atfula Inkhulumo Yebunjalo Believe.

Mengameli Cyril Ramaphosa umemetela kutsi kutawuba neSimo Savelonkhe Senhlekelele - lesitawusebenta ngekushesha - njengemphendvulo enkingeni yanyalo yegezi lebhakene neNingizimu

Afrika. I-Eskom beyihluleka kugcina gezi ahlale akhona etinyangeni letimbalwa letengcile, lokuholela ekwandzeni kwetigaba tekucisha igezi kanye nemtselela lomubi etimphilweni, nemabhizinisi. NgaLesine mhla we-9 Indlovana 2023, Menga-

meli umemetela Simo Senhlekelele ngalesikhatsi Atfula Inkhulumo Lemayelana Nesimo Selive eHhola Yeli-Dolobhakati laseKapa. "Esikhatsini sebumatima, sidzinga kuba nendzawo

leyodvwa lekhipha umyalo kanye nemugca lowodvwa wekumasha. Njengoba sibhekana nembangela yenhlekelele, sidzinga futsi kubhekana nemtselela wayo lenhlekelele. Inkinga iloku ihlala

ivela njalo futsi ihlala itsintsa tonkhe tincenye temphakatsi," kusho Mengameli.

Ungete ngekutsi hulumente kumele atsatswe tinyatselo tekunciphisa umtselela welenkinga kubalimi, kutemabhizinisi lamancane, kutakhiwonchanti temanti, kunethiwekhi yetekutfutsa kanye nakuletinye tindzawo netinsita letitsintsa imphilo yetakhamuti.

"Nakubukwa tonkhe letintfo leti nelenkinga lesikuyo, Sikhungo Savelonkhe Sekulawula Inhlekelele siyitsatswe inkinga yegezi kanye nemtselela kwaba ngaphansi kwesimo senhlekelele yelive. Kungako simemetela kutsi kuneSimo Savelonkhe Senhlekelele kute siphendvule enkingeni yegezi nemtselela wayo," kusho Mengameli Ramaphosa.

Ugcizelele kutsi lokushoda kwemandla egezi eveni kudzinga kutsi hulumente achubeke asebente ngekuphutfuma.

"Timo letingakatayelevi tidzinga tinyatselo letingakatayelevi. Inkinga yegezi inebungoti ekukhuleni kwemnotfo wakitsi nasekuhlalisaneni kwetfu. Kufanele sente konkhe lokusemandleni etfu, futsi ngaphandle kwekucitsa sikhatsi, ekusebentiseni letinyatselo," kusho yena.

Iyachubeka elikhasini lesi-2

TSINTSANA NATSI Vuk'uzenzele @VukuzenzeleNews

Iwebhusaythi: www.gcis.gov.za I-imeyli: vukuzenzele@gcis.gov.za
www.vukuzenzele.gov.za Lucingo: (+27) 12 473 0303

Tshedimosekiso House:
 1035 cnr Frances Baard and Festival streets, Hatfield, Pretoria, 0083

LIPHEPHANDZABA LAMAHHALA, ALITSENGISWA

Ichubeka isukela elikhasini le-1

Itawusebenta njani

Mengameli wachaza kutsi lesimemetelo sitawenta hulumeni akwati kuta netinyatselo letisebentako tekusita emabhizinisi lahlukumetekile ngenca yokucisha kwegezi.

“Simo Savelonkhe Senhlekelele sitawenta kutsi sikwati kuta netinyatselo letilicinisolekudzingeka sititsatse kute sisekele emabhizinisi etekukhichita kudla, etekukugcina kanye newekuphakela titolo, lokufaka ekhatsi kukhishwa kwemajeneretha, emaphaneli elilanga nekuphakelwa kwegezi lokungenakuphatamiseka,” washo njalo.

Lapho kukhonakala khona,

Mengameli utse leSimo Senhlekelele sitawuphindza sente kutsi lelive likhulule sakhiwonchanti lesimcoka lesifana netibhedlela netimboni tekuhlanta emanti kuloluhlelo lwekwabelana ngegezi.

“Kutasenta kutsi sikhulise imiklamo yetegezi futi sinciphise imibandzela yetemtsetfo sibe sisilandzela tindlela letinemandla tekuvikela simondzawo futi sibe silandzela timiso tekutsenga nemazinga ethekhniki,” washo njalo.

Mengameli Ramaphosa wacinisekisa ummango kutsi tindleko letimayelana Nesimo Senhlekelele titawugadvwa ngeliso lelibukhali lihovisi leMhlolima-bhuku Jikelele kute kuvikelwe kusetjentiswa kabi

kwemali ledzingeka kakhulu ekulweni nalenhlekelele yagezi.

Ngetulu kwaloko, kulindzeleke kutsi kucokwe Indvuna Yetegezi letawubaseHhovi laMengameli letawubukana kuphela nekukhipha lelive kulenhlekelele yagezi.

“Ngitawucasha Indvuna Yetegezi letawuba seHhovi laMengameli letawusebenta ngetindzaba letimayelana nalenhlekelele yagezi letifaka ekhatsi umsebeni weKomiti Yavelonkhe Yenhlekelele Yegezi,” washo njalo Mengameli. Yavelonkhe.

Wangeta ngekutsi Lendvuna itawusebenta ngalokugcwele futi ibe isebentisana nebhodi ye-Eskom kanye nebaphatsi bayo ekulweni nekucedza

loluhlelo lwekwabelana ngegezi nekucinisekisa kutsi Luhlakamsebeni Lwetegezi luyasetjentiswa ngaphandle kwekucitsa sikhatsi.

Mengameli futi utse Lihovisi Lemgcinimafa Wavelonkhe lisaphotfula tisombululo letimayelana nesikweleti se-Eskom lesimabhiliyoni la-R400 ngendlela lengavuni luhlangotsi nalenekulingana kubo bonkhe balingani bayo, letawenta kutsi lesikhungo sagezi sikhone kutlala timali ekulungiseni nasekusabaliseni gezi.

“Hulumende utawusekela i-Eskom kute ikhone lenye imali yekutsenga idizeli letayichuba kute kuphele lomnyakatimali. Loku kufuneka kwehlise lelinani lesikhatsi

sekwabelana ngegezi njengoba i-Eskom ikhone kusebentisa timboni tayo tedizeli uma luhlelo lukhomba kutsi gezi uyaphela, washo njalo.

Eskom wetfule luhlelo lokutsenga igezi lowenge-tive kubakhiciti labatimele futi sewutfole gezi loma-300 MW emaveni labomakhelwane betfu.

Ngetulu kwaloko, Mengameli wengete ngekutsi uMbutfo Wetemaphoyisa AseNingizimu Afrika sewusungule litsimba lelitibophelele lelinebuholi lobusetulu kute libukane nenkohlakalo lechubekako kanye nekweba etiteshini tegezi letiningana lokube nemtselela wekungasebeni kahle kwaletiteshi.

- SAnews.gov.za

SA beefs up protection for whistleblowers

President Cyril Ramaphosa says government is working on mechanisms to improve protection for those who blow the whistle on corruption.

“We are working to capacitate the Witness Protection Unit and will introduce amendments to the Protected Disclosures Act and Witness Protection Act to strengthen protection for whistleblowers,” he said during the State of the Nation Address (SoNA).

President Ramaphosa said work is already underway to improve access to the witness protection programme for public servants who expose maladministration, corrup-



tion and unethical conduct.

“We will finalise the draft Public Procurement Bill to address weaknesses identified by the State Capture

Commission and improve efficiency, value for money and transparency. Our reinvigorated law enforcement agencies are taking firm

action against companies and individuals alleged to have been involved in state capture,” President Ramaphosa said.

President Ramaphosa said the National Prosecuting Authority (NPA) Investigating Directorate, established in 2019, has taken 187 accused persons to court in 32 State capture and corruption cases.

“Over R7 billion has so far been returned to the State from State capture cases. To date, R12.9 billion of funds and assets have been frozen. This year, the Investigating Directorate will be established as a permanent entity within the NPA,” he said.

These efforts are in line with

the President’s appointment of the National Anti-Corruption Advisory Council in August 2022. The Council consists of people from across society who advise on suitable mechanisms to stem corruption, including an overhaul of the institutional architecture for combatting corruption.

President Ramaphosa said for the country to achieve any progress in addressing the urgent challenges it faces, there can be no compromise in building a capable and effective state. - SAnews.gov.za

Did you know?

You can report corruption to the Special Investigating Unit by calling **080 003 7774** or contact the National Anti-Corruption Hotline on **0800 701 701**



government communications

Department: Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Head of Editorial and Production

Regomoditswe Mavimbela
Regomoditswe@gcis.gov.za

Acting Editor-in-Chief

Zanele Mngadi | Zanelemngadi@gcis.gov.za

Managing Editor

Tshepo Nkosi | Tshepon@gcis.gov.za

News Editor

Noluthando Motswai

Writers: More Matshediso

Graphic Designers

Tendai Gonese | Benny Kubjana

Production Assistants

Jauhara Khan | Sebastian Palmer

Language Practitioners

Nomgcibelo Motha | Boitumelo Phalatshe
Thandolunye Khulu | Mahanyele Ramapala



Vuk'uzenzele
is published by Government
Communications (GCIS)

Distributed by:
ON THE DOT

Printed by:
RISING SUN PRINTERS
for laboratory service

The material in this publication may be reproduced, distributed, or transmitted in any form or by any means, including photocopying, recording, or other electronic or mechanical methods, without the prior permission of the publisher on condition that this publication shall be credited as the source.



"Manje sesikhatsi seifu sonkhe sekutsi sisebentisane, sihloniphe Nelson Mandela, sakhe iNingizimu Afrika lensha, lencono yawonkhewonkhe."

MENGAMELI CYRIL RAMAPHOSA

#SendMe

SIKWAKHELA LIKUSASA LELINCONO
KUFUNDA KULO KO LOKWENTIWA NGUMADIBA



Kwenta kutsi kutfolakale gezi lotsengekako

Si m e m e t e l o sakamva sekunyuswa kwetindleko tegezi sifika ngesikhatsi lesinzima kakhulu kutakhamuti nakumabhizinisi ngalokufanako, lesevele babukene netindleko letisetulu taphethilomu, tekudla netaletinye tintfo letimcoka.

Kungenca yesimo lesifana nalesi lekungente ngacela ibhodi ye-Eskom kutsi icubungule tinyatselo letingasita ekwehliseni umtselele wekwenyuka kwagezi nge-18.65% uma kubhekwa sikhatsi lesibekiwe.

Tindleko letinsha tentsengo tigunyatwe nguMlawuli Wavelonkhe Wetemandla WaseNingizimu Afrika (i-NERSA) kulandzela incubo lebekiwe, lehlanganisa kubonisana kabanti nemmango. Kubalulekile kutsi sicinisekise kutimela kwe-NERSA nekubaluleka kwekulandzela incubo yemsetfo lefanele eku-bekeni emanani entsengo.

Emanani entsengo lakhombisa tindleko tekukhucita igezi amcoka ekusimamiseni i-Eskom kutetimali kanye nekutsi lenkapani ikwati kukhokhela tikweleti tayo futsi ibhekane nekulungiswa lokumcoka lokudzingekako kute kucedvwe loluhlelo lwekwabelana ngegezi.

Kodvwa-ke, kunengabateka lokuncane lokuveta kutsi kwenyusa kwentsengo yegezi nyalo, kulesikhatsi lesimatima, kutawungeta kulobumatima lababukene nabo bantfu baseNingizimu Afrika. Kwenyuka kwemanani ekudla nekwemanani agezi kwenta kutsi kwenyuke



tindleko tekuphila emhlabeni wonkhe, futsi labampofu ngibo labatsintseka kakhulu. Eningizimu Afrika, emanani ekudla anyuke ngekwesilinganiso lesii-12% kulomnyaka lowengcile.

Lena inkinga lesibukene nayo: kufanele sicinisekise kutsi i-Eskom inetinsita letidzingekako kute kucatululwe inkinga yegezi sibe sivikela bantfu baseNingizimu Afrika kulemtselela yemanani lasetulu.

Ayikho imphendvulo lelula kulenkinga. Kungako bonkhe babambi lichaza, labafaka ekhatsi hulumente, i-Eskom, emabhizinisi, basebenti nemimmango, kudzingeka basebentisane kute batfole kusimama lokumatima kakhulu. Ngasosonkhe sikhatsi, kufanele silandzele tidzingo netinshisakalo tebantfu baseNingizimu Afrika, ikakhulukati labampofu, nyalo nasesikhatsini lesitako. Kufanele sicaphele tisombululo tesikhashana letitawenta sitisole eminyakeni letako.

Njengahulumeni sitawuchubeka nekusebentisa tinchubomgomo netinyatselo tekunciphisa bumatima lobutfolwa takhamuti

letibutsakatsaka. Kuskela emalangenzi ekucala entsandvo yelinengi sisebentise inchubomgomo yemanti neyagezi wamahhala emindenini lephuyile. Luhlelo lwesibonelelo segezi losisekelo wamahhala, uma lusetjentiswa ngalokufanele bomasipala, kufanele luvikele emakhaya laphuye kakhulu kulemitsela yekwenyuswa kwemanani entsengo yagezi. Sitawuhlala sitibophetele ngalokuphelele kulenchubomgomo.

Letinye tindleko tekwandzisa sibonelelo sahumumende tifaka kuniketwa kwelusito lwetempilo lwamahhala, kuvumela bantfu labaphuma emindenini lephuyile kutsi bangakhokhi imali yesikolwa, luhlelo lokudla lokunempilo etikolweni loluchasa bantfu labangetulu kwetigidzi letiyimfica eveni lonkhe, nekuphakekwa kwemfundvo yamahhala kubantfu labavela emindenini leswele. Kungakhokhi intsela ye-VAT kumikhicito yekudla lokusisekelo kusita kwehlisa tindleko kulabo labaphuyile.

Umholo lobekiwe lelimkhawulo lomncane, lelatfulwa

nga-2019, lente waba nconomholo webasebenti labanyenti, ikakhulukati basebenti basemapulazini, basebenti basetindlini kanye nalabanye basebenti lababutsakatsaka.

Lenye indlela umbuso lowesekela ngayo ummango lobutsakatsaka kakhulu ekukhuphukeni kwemanani ngalokwendlulele kulandzela umgomo wekuncintisana. Ngesikhatsi sabhubhane, Ikhomishini Yetekuncintisana yasebentisa emandla ayo kwehlisa emanani lakhokhelwa kwenta luhlolo lwe-COVID-19 futsi baphakeli tinsita labatfolakala benelicala lekukhokhisa tindleko tetifonyo letisetulu ngalokwecile bahlawuliswa.

IKhomishana Yetekucudzelana ihlala icaphele kutsi emanani ekudla lokubalulekile, futsi muva nje itfole kutsi batsengi bebebhekene 'nekwenyuka lokungakafaneli' kwemanani emafutsa ekupheka, lokukudla lokusisekelo sekupheka kwetigidzi temindeni.

Tonkhe letinyatselo tiniketa 'sibonelelo semholo wahulumende' lesibalulekile lesisite kuvikela emakhaya laphuyile kumitselela lemibi kakhulu

yokukhuphuka kwemanani entsengo. Hulumente usacubungula letinye tindlela tekubukana nekukhuphuka kwetindleko tegezi. Loku kufaka ekhatsi tinyatselo letinjengekusita emakhaya nemabhizinisi lasafufusa kutsi afake igezi yelilanga kanye netintfo tokonga igezi, kusekela imiti nge-malambu lashatjwako, nekusebentisana nebantfu kute babambe lichaza lapho kucishwa kwegezi kuphata-misa temfundvo. Kufanele sikwati kuniketa lwati lolwengetiwe ngaletinhlelo nale-tinye emavikini latakho.

Njengoba sisebenta ngekubambisana kute sincobe inkinga yegezi, ngicela bonkhe bantfu baseNingizimu Afrika kutsi bakhokhele igezi labayisebentisako. Singatfutukisa futsi sandzise kuhlinteka kwegezi naletinye tidzingo kuphela uma hulumeni namasipala ikakhulukati benendlela yekwenta loku. Kungakhokhi nekuchuma ngalokungekho emtsetfeni kwenta kuhlinteka kwegezi kubite kakhulu futsi kungatsembeki kangaka.

Tindleko tekuphila emhlabeni wonkhe tiketachazwa njengekushaceka kwetempnotfo kwesitukulwane lesisodvwa, futsi tiba timbingenca yetehlakalo temhlaba wonkhe longetulu kwamandla etfu.

Njengahulumeni sitawuchubeka nemitamo yetfu yekwandzisa emaholo lasibonelelo sahumumende, njengoba sikhulisa imitamo yetfu yekuphakela neyekutfolakala kwegezi ngalokutsembekile. Sitawuchubeka kimitamo yekusebentisana nabo nonkhe balingani betfu kanye netikhungo tahulumende kutesitfole tindlela letisimeme tekuvikela imindenini yaseNingizimu Afrika kumitselela lemibi kakhulu yokunyuka kwemandla egezi nakwale-tinye tindleko.